

敕修陝西通志

第一函
五十一冊

陝西通志第十卷

山川三 延安府

延安府膚施縣

鳳凰山 在府西城跨其上雉堞巍然為郡山首上有鎮西樓宋范

仲淹建殘碑猶存今重修

府志

雲梯山

一名雲夢山

在府北關一名雲夢山文廟在焉又筆架山在府學

東又文廟西北有碧簪山

府志

山形如簪高數百丈

雍勝畧

草場山 在縣西南百五十步山脊入城中與府治相連

雍大記

太和山

一名清涼山

在縣城東北七十步其巔最高一峰曰蓮花峰上有

尸毘巖又萬佛洞內有石佛萬餘

潛確類書

佛書言昔尸毘王割身肉

飼鷹後人言膚施即此地按漢書膚施乃秦縣其時未有佛書此

傳會之說也

雍勝畧

又有仙石洞落星巖文岡爛骨泉相傳為樵子

觀仙棋爛骨處

府志

清涼山阿多名人題咏石刻參差磊落里人呼

為詩灣邑令翟善愛其名勒石志之

華岳集

仙石洞下有撒珠坡萬

佛洞下有插金崖

縣志

五龍山

在城東一里

縣志

膚施倚有五龍山

金史地理志

山下有黑龍泉

仲淹山

在縣東南百八十步南河之濱形勢高峻上有古塔縣志范

仲淹大書嘉嶺山三字刻於石

潛確類書

熙寧十年帥延因時遊觀南

上嘉嶺北上九州臺西北獵於伏虎龍頭山東閱武於武家坪皆

極高深之致

宋呂惠卿築四堡記

山有先憂後樂宋朝人物第一胸中自有

數萬甲兵泰山北斗出將入相一韓一范各大字山頂古塔九級

唐建洪鐘一口金造

府志

三臺山

在縣南一里

縣志

有大通寺山下有龍耳泉

府志

伏龍山

一名虎頭山

在城北五里一名虎頭山

府志膚施倚有伏龍山

金史地理

急

上郡之名山

郡國志

伏龍山在膚施狀如卧龍故名

潛確類書

牡丹山

在縣西南四十里許

名山記

牡丹山在膚施名曰花園頭產

牡丹極多樵者以之為薪

潛確類書

相傳杜甫避亂時遊此

賈志

卧虎山

在府南十里以形似名

府志

亞支山

一名野猪峽

在府南四十里又名野猪峽

府志

險窄可避兵南接甘

泉界

縣志

琉璃山

在縣東北八十里

縣志

在豐林縣北九十五里

元和志林故城在縣

東

附考膚施縣有豐林山

隋書地理志

膚施縣有牢山

唐書地理志按二山俱無考

清水

即區水一名去斤水一名濯筋水

在縣城東北自安塞縣南流入縣界又東入

延長界

縣圖

清水又東得龍尾水口又東會三湖水水出南山三湖

谷東北流入清水清水又東逕高奴縣合豐林水地理志謂之洧

水故言高奴有洧水肥可難水上有肥可接取用之豐林川長津

瀉注北流會洧洧水又有谿谷水注之水西出奚川東南流入洧

水水經注○高奴故城在縣北膚施縣清水鮮卑謂之去斤水斤一作筋北自

金明縣界流入元和志○金明縣今屬安塞濯筋水在縣北二十九里又流入

豐林縣界耆老云昔尸毘王割身救鵲身肉並盡於此水中濯其

筋骨因名寰宇記膚施縣有濯筋水金志謂之濯巾水九域志延水在

府城東門外源出安塞縣蘆關嶺東南流入府境俗稱濯筋水明

統志自入境至虎頭峽合西小河水又逕縣東合杏子河水東流至

延長界計行二百八十里縣冊○按西小河即安塞之小平川水又按此杏子河別是一水非保安之杏

子河也

明川一名西小河在縣西北五里俗名西小河自安塞縣流來入延水

定痰泉水

痰一作甲

在縣東一里百二十步萬佛寺北山半崖其泉溫潔

流入延水

雍勝畧

以尸毘王割膚療之故名

府志

南河水

一名杏子河

在城南門外源自甘泉野猪峽北流至城東入延水

賈志

一名杏子河自亞支山流至郡城嘉嶺山下凡四十五里入延

水

府志

小河在縣南七里源出牡丹山東南流四十里入杏子河一

名牡丹川又名杜甫川以子美常居此故名

縣志

柳湖水

在城南門外昔多種柳其上故名

賈志

種柳穿湖後延安盛

可遊

宋范仲淹詩。按南河柳湖疑即古三湖水然無可考

牧龍川

一名龍泉

在縣東北五龍山下泉池蓋飲馬所也

府志

龍泉在土軍

城東南道左山下牧馬川多產名駒

水經注

龍泉在延州牧龍川多

產駿馬

九域志

五龍泉出山東一里平石縫雄吼甘美上有五龍堂

寰宇記 城東兩山相夾處俗稱黑龍溝是谷幽處城市中蒼蒼冥冥

近之摸斷碣披蟲刻有雲根雨脉四字趙廷錫黑龍祠序

烏耶谷水 在縣東縣志源出烏耶谷流入濯筋水府志

清化水一名潘陵川在縣東四十里源出嘉泉東流入濯筋河賈志嘉泉在

豐林廢縣東北耆老云水湧出飛流一丈噴激可嘉府志○一云此即谿谷水

自安定縣流入即潘陵川縣志

惠民泉 在城南門瓮城內府志

暖泉井 在府西北五十里泉有七孔其味甘美大寒衆泉皆凍惟

此流溢不減雍勝畧

石油泉 在府南二十五里府志高奴縣石脂水水膩浮上如漆採膏

車及燃燈極明酉陽雜俎

不流泉 在府東十里汲之不竭亦不流府志

鷲峰泉

在城東北清涼山下泉脉出崖石中清冽可飲寺僧於懸

崖置轆轤垂繩八十餘尺汲之

雍勝畧

安塞縣

天澤山

在縣治東五十步其山土石相間上有天澤泉四時不竭

雍大畧

嶙峋挺峙遠瞰清流山上有瞿王泉董翳所鑿又有惠民井

在山之坳處

縣志○按二泉今俱堙

金龍山在縣南門外又名龍吟山與天

澤山相連有石刻金明砦三字

府志

鳳凰山

一名北邙山

在縣西南二里

縣圖

形若舞鳳又名北邙山

縣志

龍安山

在縣西一里高數百丈狀如盤龍舊建龍安砦

雍大記

靈臺山

靈一作雲又名石嘴山又名石峰山

在縣北五里俗呼石嘴山巨石高險勢如

削成

府志

一名石峰山一峰孤峙二水環流上建靈臺觀祠真武頗

多遊咏

縣志

青山 在縣北七里縣志幽谷清窈石磴盤紆中多洞穴為邑人避跡

之所縣志

蘆關嶺 在縣北百五十里接靖邊界延水所出府志

高山 在縣西北百餘里時有雲氣掘地多蝮蛇縣志

子山 在縣西二十里以形似名上有報恩寺雍勝畧

鳳頭山 在縣西五十里其相近有白晝山縣志

摩雲山 在縣西六十里近西川府志巉巖高聳直逼雲霄縣志

石門山 在縣西南百二十里兩山壁立如門洛水經其下又相近

為墨台山府志山色如墨不可耕作又馬超洞在洛河川相傳為馬

超所鑿縣志

女洛峪 在縣西南百二十五里相傳室女坐化今有寺存府志

三連山 在縣西南百三十里即古敷政縣望山也雍大記在敷政縣

北一里其山土石相雜上有三冢遙望如埏因名寰宇記○故城在縣西南

洛水 在縣西北百二十里自保安界來東南逕縣西南入甘泉界

縣志洛河在敷政縣西七十里穿番部來至城下寰宇記洛水抵敷政

城下東過甘泉廊坊入白水境縣志○詳見圖考

清水即區水一名清水一名濯筋水又名延水在縣西北源出蘆關谷南流抵城下逕鳳

凰山會西川水又東南入膚施界縣志陰山西北百七十里曰申山

區水出焉而東流注於河山海經區水世謂之清水上郡東流入于

長城逕老人山下又東北流至老人谷水經注金明縣有清水隋書地理

志○金明故城在縣北

西川水一名渾州川在縣西自保安縣黃花城牛頭坡東南流入與小平

川會賈志渾州川水在縣西二十里自閭門府來至縣西合濯筋水

縣志西川水至縣東南二十里合小平川入膚施界注於延水縣志

小平川即龍尾水一名金明川在縣西北縣龍尾水出北地神泉障北山龍尾

溪東南流注清水水經注一名金明川隋改置金明縣取此賈志自縣

北番部來十五里過縣西又南流入膚施界合延水縣志

背水在縣北百五十里源出武家南塔東流至卧牛城三十里入

綏德州合於無定河縣志塞門水在縣西北即囿水無定河之一也

賈志○按賈志以此為囿水誤

上龍湫在縣西北百二十里又下龍湫在縣西南百里皆旱禱有

應縣志

黑龍泉在縣北三十五里縣志

祇目泉在縣西十五里元孝子王思聰噉水舐其母目水甚清冽

傍有湧泉寺縣志

心泉在縣西四十里山麓湧出清湛可鑒眉目邑人韓一識建

洗心精舍

縣志

龍井

在縣西南百二十里

潭水深清四時不竭禱雨輒應

賈志

甘泉縣

伏陸山

在縣城內東北有阿伏斤谷其水出又潛流隱伏川陸故

號伏陸天寶元年改為甘川谷

元和志

唐置伏陸縣以此

雍勝畧

文昌山

一名鐘樓山

在縣城東南又山之東為東岳山

縣圖

鐘樓山連峰嵯

峨上有文昌閣

縣志

太崇山

一作大山

在縣西北一里許洛水西岸又相接者有白馬雙峰

縣圖

筆架山 在縣西南二里洛水西岸連太和山

縣冊

三峰秀拔如筆架

與文昌山對峙

縣志

黑龍山

在縣東北二里又相近有雲陽山

縣圖

荒史循蜚記雲陽帝

都此府志

太白山 在縣北二里雄峙縣城有太白廟址縣志

大小勞山 在縣北二十里賈志甘泉縣有大小勞山宋狄青與夏人

相拒軍疲憊此因名香祖筆記大勞山在小勞山北五里縣志

馬超洞 在縣北四十里與安塞接界崇山峻嶺上有十餘石洞洛

水逕其下與青州城對峙道通邊塞相傳為馬超屯兵處縣志

野猪峽 在縣北四十五里與膚施縣亞支山接府志山有屯兵古戍

杏水出其下北流入延郡縣志

太和山 在縣西南五里一峰突起高聳孤立洛水經其下縣志

神林山 在縣西南二十里中有神祠雍勝畧連山包絡此山獨高於

諸山下有龍湫禱雨輒應縣志

山 在縣南縣志山下有溫泉雍左記

雕陰山一名秦望山在縣南二十里洛水西二百步山多土穴為鷹隼

居又名秦望山寰宇記雕陰山在雕陰縣西南應劭注雕陰寒食足遊

人唐韋莊詩其相近有門限嶺縣冊○雕陰故城在縣南

聖石巖在縣東三十里雍勝畧

清泉山在縣東四十里林木叢茂山路崎嶇通臨真要徑縣志

左家山在縣東七十里縣冊

空洞山在縣東百七十里縣冊

洛水在縣西百步自安塞界流入逕縣西又東南入鄜州界縣圖

泉縣有洛水金史地理志從馬超洞東南流十里至白洛院寺又三十

里至縣郭西逕太和山東又東南流四十五里逕舊撫安驛入鄜

界縣冊○詳見圖考

野猪峽水俗名北小河在縣東北四十五里源出峽左逕蘇家河至大勞

山其水漸大阿伏斤水入此河俗名北小河西南入洛縣志

阿伏斤水 在縣東北三十里府志源出大盤山東南姚嶮谷流入洛

河寰宇記細流十里合北小河又二十里入洛縣志

臭水 在縣北十里泉色青黑微有臭氣人言其下有銅礦府志即北

小河傍出之水渟聚數小科不流縣志

龜川 在縣北一里突起圓峰似龜其水入洛縣志

煖泉水 在縣南三里其味甘美冬煖夏涼流至石橋入洛縣志

甘泉水 在縣西南五里出洛水西太和山巔近頗堙塞惟存細流

一綫入洛縣志在縣南崖谷上泉去地一丈飛流激射厥味甘美隋

煬帝遊此飲之取入禁內潛確類書泉水作飲饌盛暑不變唐天寶元

年縣名甘泉以此縣志

水 在縣東四十里清泉山下其水清冽雖潦不濁流至板橋

溝三十里入洛縣志

麻洞川

即黑水一名庫利川一名汾川水

在縣東百二十里源出麻洞東南流

匯庫利水又東南入宜川界謂之汾川水

縣志

黑水出定陽縣西山

二源奇發同瀉一壑東南流至其縣

水經注○定陽縣今屬宜川

庫利川在臨

真縣北十五里

寰宇記○臨真故城在縣東

麻洞川源出九峪溝至水匯庄又

至傅家灣合馬市川水又逕臨真城下入宜川境其馬市川在縣

東南百二十里水流細微東南入於麻洞川

縣志

安定縣

鳳翼山

在縣城西南為縣右輔自子午谷來蜿蜒東行數百里遂

折而西形似鳳翼又二郎山即鳳翼山之嶺上有二郎廟邑令朱

尚義更名曰錦屏又文筆山在東關城內一名文昌山西連錦屏

上建文昌閣山巔有塔故以文筆名

縣志

鵬山 在縣東門外河北相傳明成化中有大鵬棲其處又鍾山在

縣東二里即安定砦其下有石宮寺又冠山在縣河北一里山形

似冠故名縣志

眉月山 在縣北六十里形似半月縣志

五臺山 在縣北七十里五峰層疊上出重霄縣志

高栢山即橋山在縣北八十里縣志上郡陽周縣橋山在南有黃帝塚漢書

地理志山有古栢故名雍勝畧懷寧河出此即漢志陽周縣南之橋山

秦二世賜蒙恬死處縣志○按陽周故城在縣北九十里又水經注云走馬水出長城北陽周故城南橋山上

有黃帝冢則橋陵似當在縣境今陵在中部縣北

滴溜山 在縣北百里古木陰翳泉出崖石間邊境稱為幽勝府志高

出衆山遠望如卧牛上有古砦縣志

娘山 在縣西北七十里縣志殄羗砦地名那娘山元符元年賜名